



89687

恩賞

御製喜雨山房記墨刻謝摺

奏為恭謝

天恩事竊臣齋摺差弁回蘇捧到

恩賞

御製喜雨山房記墨刻一分當卽恭設香案望

闕叩頭祇領欽惟我

皇上撰合清甯

誠孚位育奉

朱中丞奏疏

天時而敬授平成先六府之修儆

家法以祇承敷錫驗八徵之應歲屢豐而常殷

咨傲民同樂而益示

謙沖迺因甘霽之偶愆彌切時恭香案望


宸衷之垂塵

天命疆吏展

名山之祀霑濡已徧於齊封屆夏至舉

方澤之儀優渥旋通於禹甸猶念畿南待澤豫北望雲

蠲賑頃施有加無已



聖



肝宵靡間不懈益虔值

山房茂對之餘緬喜雨

命名之義發七情而中節允協中和涵六氣以資生覃敷化育

惟先憂後樂

聖人之情見乎辭而化災爲祥

天地之大何所憾

臣

封圻職忝撫字心殷欽承

寶墨之頒仰繹

奎文之訓惟期以暄以潤敬迓祥和引養引恬勤宣

教澤統九寓而金穰普慶協雨暘時若之休合億年而玉燭常調

朱中丞奏疏

吳

邁喜起慶歌之盛所有臣欽服感忭下忱理合繕摺恭謝

天恩伏乞

皇上睿鑒謹

奏

恩賞

御製文墨刻五分謝摺

奏爲恭謝

天恩仰祈

聖鑒事竊臣齋摺差弁回省捧到

恩賞

御製文墨刻五分當卽恭設香案叩頭祇領跪誦循環感悚無地

臣伏思我

皇上御極以來

朱中丞奏疏

勅幾匪懈惟敬

晃

天法

祖憲

考之精誠一二日常深兢業至講武慎刑恤災諸政億萬年丕著

顯承凡薄海臣民無不同霑

優渥卽含生草木亦皆共樂

涵濡不謂蠢爾莠苗害茲嘉種上干

憲典自外

生成皆由地方官吏怠玩因循旣不能化導于平日又不能覺察



於臨時以致貽畿輔之震驚勞

旰宵之籌畫幸而百靈效順屢示聲威七萃宣勞卽時戡定此皆  
我

皇上精禋上答孚惠旁周用能靖至變於變生不測之時因益圖  
久安于安不忘危之日文兼八誥例起七觀原教作而邪說  
全消實政論而治功日勸肅吏治兼脩武備述

祖德卽報

天恩陬滋瞻黃仰

堯舜做子之德洞壤保赤誦

朱中丞奏疏

手

禹湯罪己之文臣忝任封圻尤深兢惕惟有認真整飭率屬奉行  
勤宣

聖諭以警愚頑嚴查保甲以消奸宄不敢因地方甯謐稍滋懈怠之  
萌不敢因年歲豐穰任徂奢靡之習以實心而行實政欽承  
恩訓於再三有治法尤在治人勉矢愚忱於萬一所有臣愧懼感  
激下悃謹繕摺陳謝伏乞

皇上睿鑒謹

奏



恩賞

御製因循疲玩論墨刻謝摺

奏為恭謝

天恩事竊

臣

齋摺差弁回黔捧到

恩賞墨刻

御製因循疲玩論一篇當卽恭設香案望

闕叩頭祇領跪誦仰見

天語諄諄勵精圖治之至意欽惟我

皇上學懋緝熙

朱中丞奏疏

道符行健

勅幾康而建極允執厥中本敬授以

勤民所其無逸著誠去偽

探原闡治化之精

保泰持盈

慎德召休和之象爰

著為典謨訓誥用

誠夫內外臣工仰荷

寵頒彌深寅畏臣辱膺



簡命初莅黔垣戶則雜以民苗地實遠于荒甸撫綏術乏報稱情  
殷惟有督率屬僚恪遵

訓飭別莠良而嚴保甲課勤惰以儆官方力除疲玩之風切戒因  
循之習隨時隨事期勿曠于庶官實力實心以仰酬夫

帝德所有微臣感勉下忱理合繕摺恭謝

天恩伏祈

皇上睿鑒謹

奏

朱中丞奏疏

垂

恩賞

御製苦旱賦墨刻謝摺

奏為恭謝

天恩仰祈

聖鑒事竊臣進摺弁回捧到

恩賞

御製苦旱賦墨刻一卷臣當卽恭設香案望

闕叩頭敬謹祇領伏念我

皇上德峻堯欽

朱中丞奏疏

至

誠通湯禱休徵時若屢豐慶暘雨之調闔澤偶愆

省歲廛肝宵之慮茲以畿輔之地望切為霖時深雲漢之

占情殷

在宥十二政緩刑惟恤爰沛

恩綸三百屬考績宜勤重申

異命虞邪氛之隱伏特嚴稂莠之除恐言路之或蒙

用廣菲葑之采祈禱屢勤夫

法駕乾惕不息於

健行杼寫



宸衷壽箴規於金石敷陳

睿藻協咨儆於典謨

至誠之道如神昭格默孚於

昊綽

皇極之言用錫阜成普洽於寰瀛臣濫膺卿貳忝任封圻虔誦

奎章慚無裨補恭承

寶軸倍切兢惶惟有慎重民依恪遵

訓迪勤求治理感迓祥和以期仰副

聖主惠愛羣黎如傷在抱之至意所有微臣感悚下忱謹摺恭

朱中丞奏疏

奏

謝

天恩伏乞

皇上睿鑒謹

奏

頒賜

欽定平定教匪紀略謝摺

奏為恭謝

天恩仰祈

聖鑒事竊臣進摺弁回齋到

頒賜

欽定平定教匪紀略一部當卽恭設香案望

闕叩頭敬謹祇領欽惟我

皇上仁育義正

朱中丞奏疏

武緯文經

黼座寅承期持盈而保泰

綸言辰告務鋤莠以安良緣教匪自外

生成上干

國憲本

天討勒為謨典宣示

宸衷讀

千事之感

莫恩如見



堯咨舜傲閱三月而戴戎績胥安

禹甸湯畿

丁甯滋蔓之難圖師行貴速

申誠素餐之有玷政舉惟勤梟獍旣除馴昆蟲於

化宇

雷震胥靖涵

雨露於寰瀛

臣

濫廁封疆倍殷愧懼欽

籌幾之默運燭照靡遺捧編冊以精研冰兢益懍時念在逃餘孽

務使悉盡根株更令整飭官方未敢稍寬策勵惟勉圖經正

朱中丞奏疏

奏

無邪之治以仰副

教思不倦之心所有

臣

感激悚勵下忱謹繕摺恭謝

天恩伏祈

皇上睿鑒謹

奏

頒賞

高宗純皇帝

聖訓全部謝摺

奏為恭謝

天恩仰祈

聖鑒事竊臣進摺弁回齋到蒙

恩頒賞

高宗純皇帝

聖訓全部臣恭設香案望

朱中丞奏疏

闕叩頭敬謹祇領欽惟我

皇上德隆舜孝

治法

堯欽以

心為

心億萬年

建極錫福維

聖繼

聖廿三載協

五



帝重華惟

高宗純皇帝

德盛化神

敷文奮武

十全功業

纘鴻緒于

五朝

九表春秋

集大成于千聖

朱中丞奏疏

皇上敬承

家法允迪

前光景

道德之高深

式垂謨典繹

絲綸所宣布敬奉編纂總六十載之

聖德神功卷臚二百分四十門之

天經地緯事統萬千誠六經之綱維爲億曆之

架鑊星輝雲爛巨窾古而範圍

乾苞坤符胥寰瀛而轉載臣備員詞館上沐

甄陶供職封圻渥蒙

簡畀

帝典成于

虞代恭逢

授

受之昌期

寶書傳自

幾廷仰荷

朱中丞奏疏

優頒之

異數焚香跪讀恪遵

作

述之

心傳奉閣尊藏欣際

明良之盛遇所有微臣

感激悚幸下忱謹繕摺恭謝

天恩伏祈

皇上睿鑒謹

奏



恩賞

御製弭邪教說墨刻謝摺

奏爲恭謝

天恩仰祈

聖鑒事竊臣進摺弁回齎到

恩賞

御製弭邪教說墨刻一冊臣當卽恭設香案望

闕叩頭敬謹祇領欽惟我

皇上仁覃宙合

朱中丞奏疏

義正寰瀛

龐化涵濡利用厚生正德

洵風扇被和親康樂安平惟

皇極之用敷範圍不過斯

帝則之胥順耕鑿咸安間有構昧之徒致爲邪辭所誘始斂錢而

惑眾繼干律以亂常自外

生成上勞

戡定明刑所以弭教溫肅兼施

崇正卽以祛邪莠良畢判爰

發闡微之論

垂爲御世之經

揭四德之根原牖其知覺

著五常之綱紀莫不尊親既正本而清源亦防微而杜漸稍有知

識應能革面洗心共荷

甄陶靡不淪肌浹髓臣備職封圻責司化導仰

天章之下賁昭若發蒙讀

睿藻之重申退思補過惟有以實心行實政不懈誠求勉治己以

治人益圖振策務期化行俗美經正民興以仰副

朱中丞奏疏

空

高厚鴻慈於萬一所有微臣感悚下忱謹繕摺恭謝

天恩伏祈

皇上睿鑒謹

奏



恩賞

欽定全唐文謝摺

奏爲恭謝

天恩仰祈

聖鑒事竊臣據駐京提塘王欽元稟稱奉軍機處傳領

恩賞

欽定全唐文一部交差弁齎送到黔臣當卽恭設香案望

闕叩頭祇領欽惟我

皇上德隆軒頊

朱中丞奏疏

道闡苞符

翰藻瓊敷啟羣經之筦籥

奎章雲爛挈眾史之綱維因唐代之遺文向無總帙

頒禁中之善本重葺全函自制誥以及箴銘臚門別類由武德而

訖天祐繫代分年蠹簡觚編俱上邀夫

離照魯魚燕燭咸仰定於

睿裁三百載之賸楮零縑蒐羅美富一千卷之緗籤縹軸剖劂精

詳賅初中晚以集成爲宋元明所未逮極藝林之盛事洵冊

府之鉅觀臣濫厠卿班末勩館職渥

蒙

異數叨拜

賜書瑤冊駢羅其沐

右文之化

溫綸覃賁同分稽古之榮讀弁首之

宸謨高深莫測披等身之寶笈津逮無涯敬什襲以尊藏謹三薰

而雒誦香生蓬華世勗以經籍承家戀結

觚稜願附於文章報

國所有臣感激下忱謹繕摺恭謝

朱中丞奏疏

奎

天恩伏祈

皇上睿鑒謹

奏

*[Faint bleed-through text from the reverse side of the page]*

*[Faint bleed-through text from the reverse side of the page]*

*[Faint bleed-through text from the reverse side of the page]*

蒙



恩賞

御製全韻詩謝摺

奏為恭謝

天恩仰祈

聖鑒事竊臣進摺并回齋到

恩賞

御製全韻詩一部當即恭設香案望

闕叩頭敬謹祇領欽惟我

皇上文恩光被

朱中丞奏疏

孝德彌綸

稽古同天闡義瑟虞琴之蘊

重華協

帝擷周幽商頌之精緬

全韻之

宸謨於昭

新命

紹程詩之

家法率田

畜

舊章洪維

高宗純皇帝

天時欽憲

祖武敬繩

旰食宵衣庶績熙而

無逸作所耕田鑿井兆民阜而

有孚惠心

觀文則

九表大成

朱中丞奏疏

奮武則

十全懋著

巍巍蕩蕩洵

聖德之難名繼繼繩繩戴

神功於不朽

皇上惟

聖知

聖以

心爲



心則古稱

先安求安而治求治

繼

志述

事步亦步而趨亦趨總六十年之

大法大經

標題列目合百六部之叶音叶律

比事屬詞

奎藻星輝仿巨源之五字

朱中丞奏疏

矣

瑤編雲萃括平水之四聲

宸翰播于藝林

敬纘

聖人之緒

睿製垂于冊府遠逾史氏之書

臣

職守黔疆心依

彤陛覲

光

揚烈際

授

受之昌期頌

德歌

功極

明良之盛遇覘

先

後聖之同揆合節合符稽

堯

舜典以和聲重規重矩

琅函優錫齊丹書綠字以俱珍

朱中丞奏疏

奎

寶笈欽承借鷺序鸞班而其忭所有微臣感激下忱謹繕摺恭謝

天恩伏乞

皇上睿鑒謹

奏

式

御氣之盛感恩

民神

聖德

受之昌期頌



先公自乾隆丁未通籍後敷歷中外三十餘年奏疏公牘文字殆如山積兵燹以來存者寥寥無幾吉光片羽彌足珍惜此卷所收除專摺單銜外其會銜者皆先公主稿甘肅一案雖會同景尙書而摺底乃先公手定至駢體摺雖於公事非甚關繫但稿多親誤間有幕僚代擬者亦必手自改定先公生平不欲以華采見而此則摘辭之一斑也故彙附于後男廷烺孫男宗衡宗福宗湛謹識

朱中丞奏疏

奏

奏疏

西山明隱稿卷一疏出姑蘇州于發長致啟將長宗肅宗肅宗  
奏問官幕僚外擬者亦必手自改定先公生平不欲以華采見  
而此則摘辭之一斑也故彙附于後男廷烺孫男宗衡宗福宗湛  
奏問官幕僚外擬者亦必手自改定先公生平不欲以華采見  
而此則摘辭之一斑也故彙附于後男廷烺孫男宗衡宗福宗湛  
奏問官幕僚外擬者亦必手自改定先公生平不欲以華采見  
而此則摘辭之一斑也故彙附于後男廷烺孫男宗衡宗福宗湛  
奏問官幕僚外擬者亦必手自改定先公生平不欲以華采見  
而此則摘辭之一斑也故彙附于後男廷烺孫男宗衡宗福宗湛  
奏問官幕僚外擬者亦必手自改定先公生平不欲以華采見  
而此則摘辭之一斑也故彙附于後男廷烺孫男宗衡宗福宗湛



大中丞靜齋朱公詩文遺稿

弟琿蘭坡校訂

山窗雨望

孫男宗耕稼軒

姪曾孫葆成培眞曾孫學子曾遜齋

手錄

姪元孫爾楫濟川拜庚經樓

靜齋二兄喜吟詠而稿輒隨手散去迨內司憲典外守封疆

鞅掌之餘摘毫稍寡歿後搜輯惟試帖以學者傳鈔未甚佚

古今體則扈從賡和諸什尙存此外寥寥憶庚申冬同由吳

門北上渡河用坡公韻作七古鏗鏘震蕩可謂神似他題又

數十首當時匆遽失錄比再索之已無有故所存祇此然其

閱博之氣迥異山林寒儉固可一覽而知也弟琿蘭坡記

御製詩元韻五首

朱中丞詩文遺稿

灤陽別墅

羣山帶古戍眾壑趨平川秀靈聚奧窅灤水洞爲淵亭軒萃幽賞

松栢餘蒼堅緬維締構崇

列聖開其先我

皇繼巡典歲一臨芝屨

聖謨有同揆萬世歌綿延

山窗雨望

重雲布滃鬱接地生層陰涼颺條已動浙浙飛甘霖塞山湧螺黛

一抹涵烟林長松答幽澗并作風中琴山齋妙虛敞靜望巖壑深



曰肅時雨若省歲勤

堯心

觀民

鸞旂度芳甸所至皆饒沃  
灑灑寒泉清芊芊細苗綠  
溝塍淨如畫村舍遠相屬  
深山似太古醇樸已成俗  
各抒就日忱釋耒淡無欲  
不見馳道邊熙熙走相續

滄浪嶼歌

崇巖瑩确臨秋池涵空碧  
淨鋪明漪清流灑灑瀉雲  
竇跳珠漱玉難名茲開軒  
俯對一泓綠知有靈源飛  
灑沃虛明無盡含蟾光晶

朱中丞詩文遺稿

二

嶼嶽崑挂鼇足盈科習坎  
取義深心源活潑宜探尋  
滄浪之歌妙合撰上善那  
許織埃侵

策馬度長城嶺作歌紀勝

郊圻申畫通周行西來第一  
稱巖疆沿山雉堞肇自古  
踞地便欲排天閭萬峰羅  
列阻絕塞一水縈帶成津  
梁千迴百折到巔頂舉手  
似可捫青蒼下臨無極杳  
莫辨扶桑遠射朝暎光

聖躬勤勞豈不恤我

朝盛典親巡方觀民間俗有

家法修坂那復虞羊腸天心  
眷佑百靈助積雪消盡山  
陰陽珊鞭



垂垂度絕巘遠撥雲海登重岡春暄淑氣靄馳道已窮最勝窺清涼實由

至德邁前古勤民時沛

恩波洋

聖慈佛庇兩難罄薄海兆姓登咸康

冰牀二十四韻用韓孟聯句體

窮冬澤腹堅朔風吹廣莫地坼舟苦膠澌滑履防錯彼岸誰誕登有木工則度義匪取枕流象殊戒履薄上下床斯分二三人盍各位置虛中央妥貼安四角樹之欄周遭藉以繩束縛濟憐孤濡尾

朱中丞詩文遺稿

三

坐笑龜支腳未能施斗帳猶疑橫略約當其牽挽時奚啻轆轤若厚載平不頗賈勇氣始作舉重負若輕前引後詎卻渴奔驥騫騰橫行蟹郭索控弦矢激遠轉轂車馳數穩逾挂布颿捷詡鼓風橐既無塵蓬勃兼少石犖确有如天上坐頗具壺中樂銀海搖生花金鏡淨刮膜瑩神一片明得意千丈落卧或訪袁安履詎愁東郭寒凌貫月槎豪橫賦詩喫話雨憶對牀負舟宛移壑行止聽所休風景殊不惡君看岸上人瑟縮足如躄

題鄭臨一出家圖次翟立齋前輩韻

閭浮一泡影奔走紛萬狀彼岸誰先登迷途定何向大都官爲家



未除一切障古云慧業人得正法眼藏如公眞解悟宦情恬以曠  
卽今宰百里不忘邱壑尙寫此金粟身取義各有當匪直廣慈悲  
亦以明退讓拈花想微笑面睟兼背益百八朗牟尼自在息諸妄  
三衢署中送拙菴大兄返里卽次留別韻

到來纔幾日歸去莫嫌遲且喜家園近頻傳尺素宜池塘春草夢  
風雨對床時此約終須踐何心戀一麾

宿琴溪

峭壁嶙峋啟洞天仙峰字古隔何年春風漲煖魚初上夜雨山深  
鳥未眠茅店小橋堪問酒竹林明月怡歸船丹爐火燼琴聲杳寂  
朱中丞詩文遺稿

四

寂空臺鎖斷煙

白荷花

亭亭小榭碧漣漪菡萏香清別有姿殘月一痕尋夢處冷雲千縷  
逗秋時湘妃玉佩淩波動楚客霓裳浥露披是色是空原幻相禪  
心從此淨塵縑

茉莉戲贈李蔭原侍御用吳梅村原韻

北地臙脂莫漫猜佳人珍重滯船來素衣淨絕縑塵染皓腕攘憐  
笑口開綵縷穿珠隨鬢髻紗窗鬪茗隔簾栽惜花御史休惆悵曾

否安排玉鏡臺

時蔭原有續  
絃意故云



盆桂二首

十笏維摩晝掩關，盆花小草手親刪。誰將金粟連蜷影，移植雕欄宛轉間。綴葉許擎仙掌露，培根合鑿太湖山。一枝會向東堂折，聲

價應高玉筍班。

謂李樞亭昆玉

三株宅畔舊躋攀，千里家園夢往還。

予家門前有桂三株，花開極盛，百餘年物也。

老我

驚秋頻問訊，逢君招隱一開顏。茶烟散馥留禪榻，棐几分陰到研山。此種由來京洛少，花時沾酒莫愁慳。

晚至西苑途中遇雨

便門西去柳依依，新綠橫橋水拍磯。烟樹微翻鴉影落，風花亂點

朱中丞詩文遺稿

五

燕泥肥烏雲潑墨，旋遮眼白雨跳珠。欲溼衣猶勝緇塵揚，坳堦長堤十里信驂騑。

有感二首

妖氛橫海駕長風，無數帆檣濁浪中。蜃氣雲屯偏善幻，鯤身天險竟無功。談兵幾輩如兒戲，殺賊何人作鬼雄。堪歎水濱多棄甲，荒城一炬化沙蟲。

萑苻形勢太披猖，爭奈風狂雨更狂。壯士已拚收馬革，將軍空自擁龍驤。由來帷幄資籌著，豈有么麼敢跳梁。安得水犀齊賈勇，掃除餘孽靖瀛疆。



元宵宿塗嶺漫成

匆匆征旆指津郵肯爲佳辰一暫休  
綠野愛看春有腳清宵虛盼  
月當頭酒樽候館寒更促簫鼓叢祠遠  
火浮還記去年姑蔑地燭  
龍千炬六街遊

辛未閏三月以公事過圓津庵小憩和壁間方懋敏公詩韻

征塵周道自逶遲偶爲精藍憩少時  
木杪孤亭全攬勝花陰四壁

半籠詩文章餘事推先輩膏澤豐年荷大慈  
時新得雨澤大田普種安有閒

情求入社簡書屈指已星移

丙子除夕辰州道中夜泊次東坡韻二首

朱中丞詩文遺稿

六

衝泥踏雪不須悲已覺條風解凍微  
歲籥將更催向老

皇恩未報敢懷歸年豐葺屋炊烟合  
市遠蓬窗酒盞稀一宿豈無

桑下戀他時剪燭話依依

可奈光陰電火徂勞薪歲歲慣征途  
纔從隴右驅郵傳又到黔南

領使符山水喜清塵外眼雪霜愁攬鏡  
中鬚定知

鳳閣朝元日

溫綉春頌萬景蘇

戊寅黔省鄉試監臨中秋翫月二首

桂花時節廣寒秋鎖院清高敞庾樓  
滄海灑珠誰得手碧天蟾魄



恰當頭撥雲不假吹絃管望氣真疑射斗牛萬蟻戰酣椽燭燼旗  
槍容我試茶甌

憶從白下更黔中

癸酉任蘇撫時曾爲江南監臨

顛俊承

恩兩地同五載忽驚陰過隙一輪依舊夜凌空文章得意雲烟掃  
懷抱如秋水鏡融魚鑰沈沈清漏永此身重到蕊珠宮

小蘇擬東坡同王勝之遊蔣山詩卽用元韻

負郭鍾山迴崔巍勢儼然古稱佳麗地人值宦遊年其蠟梯雲屐  
應拋載酒船浮圖標紺宇寶座燦金蓮憶蔣靈祠舊懷周隱舍偏

好窮千里目更上亂峰巔

朱中丞詩文遺稿

七

空闊浪兼天遠岫收殘照遙林起暮烟最憐新月掛歸路影便娟  
臘八粥二十八韻

嘉平逢令節浴佛舊曾諳莫葉初抽八梅花九數三五辛盤待獻

七種菜思擔祭竈比鄰請燔柴爨婦堪禦冬儲旨蓄分味記伽藍

不羨青精滑爭嘗白粲甘翻匙驚雪點擲米訝珠含茗椀芬馨奠

壺飧沆漚涵會須煎緩彌覺醞醇醴異膠牙膩香疑撲鼻餹

脂花隨饌設栢酒共彊探已掃維摩室印盛彌勒龕鉢原傳舍衛

花定繞優曇仙液瓊粳供禪心玉版參舊聞從日下樂事憶江南

時序頻更籥賓朋喜盍簪乾餼應有饋粗糲亦云耽儒素餽銘鼎



田家粟貯甌多情分麥飯相贈滿筠籃佐食兼搏黍登筵競擘柑  
恰宜糊口便何惜朶頤貪幾載炊梁夢前籌借箸談卮厨羅品忝  
范甌積塵慙祀乏黃羊薦醅傾綠蟻酣爐圍憐煮芋膏泛想祈蠶  
歲月薪傳火生涯米漚泔餐錢叨祿竊廩餽愧

恩覃豈欲追蘇晉長齋寄一庵

養團十二韻

角黍舊曾傳楚俗粉養先已掌周官漂將菰米雲沈影切豈昆刀  
玉作團一搢膠牙錫糝膩九迴沈水屑霏寒黑甜合佐眠餘味輒  
飽思加醉後餐肇錫嘉名分粬粬別傳方法異牢丸餽餽好共推

朱中丞詩文遺稿

八

佳節餽飢還同補食單鄉味比鄰頻挈榼田家樂事憶堆盤記過  
麥隴風猶馥纔出筠籠露未乾枵腹歸從老妻話含飴博得稚兒  
歡詩豪自覺題糕易賦就無虞說餅難嘗想翻匙憐雪點炊當浙  
米認花攢虛名卻笑終何用畫地空煩仔細看

題吳涓泉櫓搖背指菊花開圖三首

吳如皋人善醫

巖社湖通射雉城挂帆隨處訂鷗盟卻思放溜瞿塘口秋色長江  
萬里情

劇愛寒花晚節香風流裙屐想柴桑何當摘取萸囊貯絕勝千金  
肘後方



故園叢菊徑開三每到花時載酒堪京洛逢君如舊識披圖那不憶江南

蘇等七夕詞三首

疏雨微雲興不孤一鉤新月隱金樞乘槎欲泛銀河去猶有支機

贈我無

隙駒真箇爲誰忙天上人間路渺茫若使一年纔一日朝朝攜手

上河梁

俗傳天上一日人間一年

瓜果中庭露氣淨珠簾遙映曝衣樓人生有巧多成拙只合癡

學女牛

盧仝詩疑牛與駭女

朱中丞詩文遺稿

九

祝戴中堂八句詩

斗極禎符炳台階位望崇我

皇真睿知元宰必純忠納揆

勤遵麓生申溯降崧名先垂宇內氣定滿關中嶽峙淵渟度金渾

玉璞衷棟梁爲國用憂樂與人同蔚彩苞成鳳英聲夢兆熊鍾

靈原間出積學自兼通筆陣揮戈勁詞源蠱浪雄千言誇倚馬一

技陋雕蟲細綴非秋露高騰不霽虹體傳行楷聖神入晉唐工絹

楮爭藏弄碑銘待琢礪才優開府辟勢薄太霄狝策蹇借盧墜登

龍首院种全無温飽志祇在史書叢遇合分蓮炬文章侍

柱宮

賡歌恆進

御奏賦直摩空藹藹邦之彥駸駸使者馳掄材衡



鑑朗錫命寵光隆  
披擢躋卿列彌綸贊  
帝躬三遷

恩獨厚六典德能充亮采多熙績  
撫謙夙抱沖瞻  
雲膺

特簡捧  
日上層穹  
紫禁頻  
延對丹忱更沃  
聰

衣初榮繡袞像已護紗籠喜起追皋禹昇平致鎬鄠  
鈞樞方

畫  
諾驛傳卽參戎  
月殿調周鼎天山挂魯弓鹿轡邀

賜服麟閣  
詔圖功  
書接宜占晉時亭欲保豐班聯羣

辟仰  
篤顧  
兩朝蒙摺笏嘉謨告  
宣麻瑞靄融端嚴

居四輔壽考翊  
重瞳業懋表丞相禔基郭令公詒謀清雪瑩

儉節素絲總詎敢縻軒冕翻思託韭菘  
温留增眷戀  
衍

宋中丞詩文遺稿  
十

餞普龐洪綠野仍  
頌俸青春俾駕龐  
寶華楹帖煥

遺澤杖藤紅洛社身纔退喬年貌尙童健如棲檻鶴儀是漸達鴻

睦族欽瑤梓  
臨宸憶錦楓傍垣星號老觀海水趨東廣蔭森

桃李肫懷祝華嵩規模惟道筦藻麗盡詩筒櫟散欣裁斲簷深荷

覆幪譚經曾沐雨獻頌且臨風吉祐所應集徽猷述未窮大椿綿

歲歲長此鎮嶠潼

祝堂叔母胡太宜人八旬壽

千古美坤儀温惠首陶柳天錫母氏賢徽音嗣厥後雞鳴問煥寒

鴻案相賓友佐勤無娣姒獨力操井臼徐陵富石麟矯若鯨鯨吼



桐孫挺奇秀餘慶積孔厚辟雍聽賁鼓泮水采藻茹就中頭角崢  
先試攀月手綠繡文祿羅列皆培塿來者領其頤名輒忘誰某  
燕喜介繁祉俾乃百祿受煌煌

絲與綸峩峩岡與阜允符古

華祝多男福兼壽年少瞻慈顏棗栗取飴口就傅偕阿咸

理與題  
士姪共

學十  
餘年

晝荻如我母邇來厠朝簪銅章遽出守三衢風尚醇五袴歌

難偶聞有爛柯山自昔仙靈藪霓旌驂羽蓋乘雲往還否瓊璈聲  
窈渺龍蟠駕蚺膠流霞做瓊宴冰桃大于斗願借瑤池樽獻頌南  
山枸風雨滿江城黃花過重九麻姑喚同醉酌以餘杭酒

輓硯山叔

朱中丞詩文遺稿

十一

神仙丰骨鶴精神杖履嬉遊七六春豈意長城終有壞松喬也是  
劫中人

巋然空仰魯靈光聽到蒿歌淚數行欲問貞元朝舊事更誰杯酒

問滄桑

頻驚風雨蕙蘭摧猶自辛勤締造來腸斷靈輻初載道阿兄先又

赴泉臺

綺庭二兄  
九月謝世

蓬壺應列五雲班銅狄摩挲想像間尙有癡心冀相遇朝來獨上

爛柯山

山在衢州  
府治之南

午夜時時夢故園亭前落木最銷魂清風努力追琴鶴留待他年



告墓門

輓又荃兄

東髮從受書苦爲微名縛終遠我兄弟風塵走京洛少華有二室

謂翔亭大兄暨二兄

並仰芙蓉嶠伯也騎尾箕競爽一个弱先後不三年劍

又延平躍壘篋兩毀棄砥柱失嶄窄冀北尙羈栖聞訃驚且愕拊

心悵南雲淚滴杯一勺珪璋美令望英靈憶如昨奉公殫其勤濟

物霑既渥但爲育子烏那計報恩雀義行無間言尤篤庠序學薪

樗重髦士勵之如鼓橐吁嗟斯人亡此意歸寂寞天欲摧長城古

風不可作應真已飛錫何處抱佛腳慚余縮虎符近訪琴與鶴轉

朱中丞詩文遺稿

七

車送無路一方自天各登彼悲思嶺

衡州名山

山邱嗟零落造化本至

幻生死一夢覺颯沓風在林淒寒雪滿壑慘慘天無容搔首竟誰

託

詠游絲

等閒何處不輕霏十里晴光藹四圍乍上蛛絲縈細影非關柳絮

鬥芳菲高樓日暮魂初斷畫閣春深人未歸正是江南風景好王

孫遊興自依依

細細游絲裊碧空

一天烟翠撲簾櫳織成密雨初浮綠吹去和風

欲盪紅柳線乍籠深淺裏秧針遍插有無中色空空色俱爲幻欲

細細游絲裊碧空一天烟翠撲簾櫳織成密雨初浮綠吹去和風



畫真難恐未工

詠新竹

瀟疏綠竹見天真，萬个臨窗點綴新。正是龍孫初解籜，卻看犢角已含筠。淚流湘水斑猶嫩，幹直淇園粉未勻。此後何時諧鳳管，莫教秀色老風塵。

虞美人花

別有花枝盛小叢，離離似解戀江東。春風舊恨縈秦地，夜雨香魂夢楚宮。淚點已分湘管碧，血痕應借杜鵑紅。絳紗爲怯封姨護，猶認妝成玉帳中。

朱中丞詩文遺稿

金鋪照夕邪

曲欄綿亘玉成堆，繞砌金鋪覆嫩苔。石髮碧於新染黛，垣衣綠似舊封醅。風催書帶攀青去，展印香泥踏翠來。一幅重茵橫捲處，兒童分付不須裁。

重修楊儀部墓記

賜進士出身兵部侍郎都察院右副都御史巡撫江蘇等處提督軍務涇川朱理謨，萬曆卅九年，以謨爲江蘇道，以謨爲江蘇道，以謨爲江蘇道。予撫吳之明年，都人士有捐修府學之舉，鳩工庀材，閱十月而藏事。名宦鄉賢兩祠亦次第修整，落成之日，偕鄉先生釋菜行禮，范



芝巖太史以鄉賢楊南峯先生墓行被侵削爲言爰飭所司察勘  
爲之護持考郡志明禮部主事楊循吉墓在閩門外南壕望市墩  
之左先生自爲生曠志以承嗣無人當明季已就蕪沒文文肅公  
姑蘇名賢記云一坏荒土大半樵蘇者也康熙二十四年睢陽湯  
文正公撫吳嘗因汪堯峯之請爲之清理墓址立碑以記後六十  
餘年至乾隆己巳覺羅雅公採訪前賢祠墓廉知楊墓爲居民所  
佔欲爲修復會原任高雷道毛世榮請獨捐資以成是工於是丈  
清舊址回贖侵地增築塋塚繚以石垣前建墓門旁植松柏墓後  
地久爲民居與墓無妨者仍令輸地租以充正賦及歲修之費責

朱中丞詩文遺稿

十四

成於守者存卷於吳縣有修復楊南峯先生墓碑記今石已斷蓋  
又閱六十餘年矣嘗慨昔賢祠墓其不幸而犁爲田者何可勝數  
誠得良有司勤於求治百廢具舉以時封殖亦古者墓大夫圖其  
地域之遺意也楊墓界址共計四畝七分四釐四毫今僅存墳塚  
隙地二畝二分七釐六毫實少地二畝五分六釐八毫紳士等請  
就地築牆設立墓門種殖松柏其餘被侵之地久已建造房屋者  
應免其拆除仍遵照向來貼錢辦賦之案令附近之體善堂永遠  
收管經紀其事用意周密有足多者并乞予書其事於石以繼湯  
雅二公之後吁前事之不忘後事之師也斯墓之興廢者亦屢矣







葉廷薦醫書序

漢郭玉有言醫之爲言意也賸理至微隨氣用巧鍼石之間毫芒卽乖非好學深思心知其意而徒泥古人之成方鮮有不類於刻舟膠柱之爲者然古人之意不可見於所傳之方見之古人之方用各有當神而明之則又存乎其人經驗良方世所輯多矣或繁蕪寡要或挂漏貽譏不精不詳二者均失吾友葉子堯臣博物君子也生平不專以醫名而獨得醫意暇日遍考方書兼綜提要積閱歲月蒼萃成編所引書無慮數十種而人之一身自頂至踵分門別類一一悉備卒然有疾痛疴癢不待延醫而自得之夫一介

朱中丞詩文遺稿

六

之士苟誠心愛物于物必有所濟茲編出而天下之受其益者無窮矣是爲仁之方也是能傳古人之意而以嘉惠斯人者也因勸付諸梓而述數語以弁其簡端嘉慶辛酉仲夏長至日世愚弟靜齋朱理書於三衢郡署

龍山落帽賦

以笑倩旁人爲整冠爲韻

九日良辰三秋遠眺蕭疏彭澤之籬悲壯蘇門之嘯宋詞臣之送遠興感榮枯王長史之登山愴懷憑弔然而葉已鋪紅花猶含笑雲濃風淡盡入畫圖露白葭蒼俱供詩料芙蓉玉削依稀開僧眼之青翡翠圍屏突兀聳佛頭之峭客告予曰此龍山也別有逸客



風流騷人題詠郡守惟桓參軍是孟香含粉餌新開益壽之方臂  
繫茱萸舊著辟邪之令豈必糕題此日錦囊之佳句空拈一任帽  
落輕風菊花之插頭誰倩爾乃天沈沈兮如拭景習習兮迎涼披  
襟當兮稱快輕袂舉兮相狎桐葉空山響無絃之商羽雁行天際  
篆有跡之鍾王千秋堂畔四徹庭傍匪彈冠而新沐儼散髮以乘  
涼吹去林端錯認謫仙之醉飄來酒畔還同阮籍之狂懿夫朋從  
驥展僚佐麟振飛觴慷慨拂袖輕勻天放新晴不送滿城之風雨  
賢因畢集居然入幕之佳賓冠殊屈子之彈坐使烟霞笑我巾異  
林宗之墊怪他猿鳥窺人况復俯萬象之雄觀得千巒之遠致憶

朱中丞詩文遺稿

十七

汝南之避災訪越山之故事羊肝之餅旋陳獅蠻之饅何爲絃歌  
幾處聲藏雲外之樓烟火千家影鎖林間之寺不是酒酣張旭思  
脫帽以橫書豈真路倦于生欲卸冠而清睡天然瀟洒卽露頂以  
無嫌別樣丰姿任科頭而自異彼夫杖稱藤杓佩初秋蘭披葛襟  
於茅屋挂蓑笠於漁竿雖逍遙以適志徒寂寞而自安曷若此登  
高長嘯縱目遙看逐落英以迴風不止獨孤側帽擬飛觴而醉月  
居然靖節投冠於是游覽旣周杯盤勿整山帶夕陽路留人影採  
黃花之主且過前村上明月之舟迴看峻嶺才非松雪縱難繪山  
水以成圖事效樊川亦且賦烟霞而卽景



五老圖贊 并序

五老圖者遵先伯不忘舊遊而作也五老少時於乾隆癸亥從胡百受先生讀書乘山迄今已四十餘年迴憶昔游風景如昨爰繪爲圖以誌之圖凡五幀此飛石聯吟其一也陰巖壁立樹木蔭翳其科頭箕踞橫素絹於前提筆而題者遵先伯也手持素筆伫立凝睇儼乎若思者爲聖先伯撚鬚而側立者爲夢亭伯右執卷左倚書坐而顧盼欲語者爲韶九兄循曲徑扶杖而來有童子負軸隨其後者乃敬侯伯也昔李伯時西園雅集圖元章稱其人物秀發各肖其形自有林下風味今安必異於古所云耶遵先伯以示姪理謹受而贊之贊曰

朱中丞詩文遺稿

十六

有顏而蒼有首而皓朗我玉山照人古道松石留題蕙風入抱洛社之耆英歟抑香山之逸老歟

五老圖贊 并序  
五老圖者遵先伯不忘舊遊而作也五老少時於乾隆癸亥從胡百受先生讀書乘山迄今已四十餘年迴憶昔游風景如昨爰繪爲圖以誌之圖凡五幀此飛石聯吟其一也陰巖壁立樹木蔭翳其科頭箕踞橫素絹於前提筆而題者遵先伯也手持素筆伫立凝睇儼乎若思者爲聖先伯撚鬚而側立者爲夢亭伯右執卷左倚書坐而顧盼欲語者爲韶九兄循曲徑扶杖而來有童子負軸隨其後者乃敬侯伯也昔李伯時西園雅集圖元章稱其人物秀發各肖其形自有林下風味今安必異於古所云耶遵先伯以示姪理謹受而贊之贊曰



縣志圖跋

粵自赤縣既分左圖斯肇錯牙準犬別界依鴻繪事所傳坤輿爲  
要矣吾涇封隸陽侯名稱漢志承流之秀與檜闕長新究岫之靈  
爲琴堂所祖查邨麻嶺別設防司雞子馬頭都歸營汎固觀風於  
焉問政亦司牧之所留心者也至附郭環邨居多聚族鋤桑灌茗  
地足謀生風俗由來土宜斯在他若釣臺不改歌岸依然潭霽落  
星巖高隱雨兩塔夾乎霜閣三台滙於雲門盡昔賢流覽之區實  
斯地人文之起理離家千里羈宦十年故土可懷新圖忽展雖華  
陽志就不獲儕常璩之班而蜀道圖來幸遠寄吳生之本不揣蕪  
朱中丞詩文遺稿

十九

製謹擬弁詞當握管神游恍置身琴水幙山之上試懸樓卧覽應  
結夢青蓮黃蘗之儔



司空除壇賦

以協風告至農祥順正爲韻

韶光晼靄春氣沖融催田家之月令繪黼座之幽風黛耜紺轅將  
法三推之制錦塋繡壤當勤一撥之功覘土者是惟太史除壇者  
厥有司空當夫太皞司辰勾芒御令參度昏中房星晨正欲舉趾  
而劬農必先期而肅敬帷宮宿設廣除千畝之疆帳殿朝開不應  
一人之命先時九日太史告稷曰陽氣俱蒸土膏遠浹瞻芳隴之  
粼粼指青畦之疊疊躬親南畝庶知稼穡之艱出舍東郊厘念農  
時之協先時五日誓告王曰天地同和協風始至祈年書大有之  
祥求穀重明昭之賜翠華未動早鵠立乎千官輦道將開已雲屯

朱中丞詩文遺稿

二十

乎萬騎天子曰吁民生在食敦本惟農將往觀乎千耦甯逸居於  
九重子大夫率作興事同寅協恭王釐爾成畫井疆於禹甸我行  
其野肅壇墮於堯封於是庶職駿奔百靈効順敞寶幄以森嚴廓  
崇基而肅慎設桎杙之再重展旌旗之八陣階非玉砌預期警蹕  
之傳戶不金鋪緬想天顏之覲迨至蒼龍啟駕鸞輅迎祥卽齋宮  
而饗醴偕保介以趨蹌秉耒朱紘自作臣工之表率清塵周道終  
期先事之贊襄制類射郊樂人宿縣而翼翼禮同祀典司寇泣戒  
以彰彰今


聖天子膏雨潛孚祥風默導無逸奚待乎陳圖嘉謨豈煩乎入告省耕



之制既擇乎元辰藉畝之期並頒其大號從此杏花菖葉自無四  
序之愆瑞穗嘉禾應有雙歧之報

朱中丞詩文遺稿

三



朱中丞詩文遺稿

朱中丞詩文遺稿



祭堂嫂胡安人文

嗚呼天下可知而不可知者其理與數乎積德累仁理也假年益壽數也身備五福矣曰壽曰富曰康甯曰攸好德曰考終命矣而生前身後哀樂憂喜恨弗早慰其生平之所期似數不可知矣然而遲速有時善無不報君子還以理卜之惟我大嫂胡老安人簪纓望族詩禮名家其幼習班誠嫺鍾禮者閨閣已稱道之其相我州司馬春圃大兄也瓊瑤和鳴琴瑟靜好終其身相敬如賓大兄以少遭閔凶牽車藝黍堂上孝養無缺賴安人司中饋焉自仲叔伯姊以及娣姒同功共火數十年無詬誶聲此安人柔嘉之德也

朱中丞詩文遺稿

三

自養廝妮婢以及臧獲驅使者無呵晉語此安人慈祥之德也遇貧苦則濟之遇阨窮則惜之解衣施食口碑載道此安人厚澤深仁德被無疆也大兄才猷宏遠不振家聲惟安人之節儉資助之大兄堂構式煥創業垂裕惟安人之勤勞實贊之大兄修道成梁疏財仗義得安人同心而共濟之大兄教子讀書招賢厚幣賴安人尊禮而優崇之其待人也周其自奉也約雖年躋花甲不許製錦稱觴雖境履豐饒不忘綦巾縞衣嗚呼安人之德雖古陶孟之賢蔑以加矣方謂永茂恆春之樹時開長樂之花何圖星姬蝕昴月姊沈河蒿里起來忽聞此惡耗耶豈所謂天者誠難測而理者



不可憑耶壽者不可期而數者不可推耶然而天下有可知不可  
知有不可知而可知者安人少年艱於似續至四旬甫得俊三姪  
老年迫於望孫至易簣繼繼以此爲缺恨人方疑修德不獲報昊  
天夢夢爲太息者久之然安人之沒也未數月而孫枝毓秀瑤環  
瑜珥蘭茁其芽矣現在俊三姪蜚聲疊序雕龍繡虎如錐處囊矣  
行見玉樹聳於瓊霄丹雉騫於碧漢秋雨鵬搏春風鸚薦歐母灌  
岡之表爲安人頌之古所謂不得之於身必得之子孫者其謂此  
矣如是則含笑九京夫復何憾今於仲冬之吉將卜牛眠理一官  
匏繫遠隔雲山未得偕伯叔弟姪輩躬親執紼敬送靈旂他年載

朱中丞詩文遺稿

三三

筆史館願述彤管勒銘貞珉使知安人之福備箕疇生前身後同  
歸一理者善無不報而遲速有時古人之言信而有徵也請書此  
以告閭閻之有德者

百良正襟危坐其容若共瞻靈光善美殊而飄舞香風饒蕙想母歡

離離蘭茁其芽矣現于對三姪蜚聲疊序雕龍繡虎如錐處囊矣

天夢夢爲太息者久之然安人之沒也未數月而孫枝毓秀瑤環

瑜珥蘭茁其芽矣現在俊三姪蜚聲疊序雕龍繡虎如錐處囊矣

行見玉樹聳於瓊霄丹雉騫於碧漢秋雨鵬搏春風鸚薦歐母灌

岡之表爲安人頌之古所謂不得之於身必得之子孫者其謂此

六年

五



